



Danis, ils 20-03-2020

Preziai geniturs  
caras scolaras, cars scolars

Il Departament d'educaziun, cultura e protecziun digl ambient dil cantun Grischun (DECA) ha publicau ils 19 da mars 2020 la nova prescripziun davart la survegionza dallas scolaras e dils scolars cun il tetel «**Garanzia dallas purschidas da survegionza necessarias sil scalem da scoletta e sil scalem primar entras ils purtaders dalla scola populara**».

Tenor quella nova prescripziun cuntinuescha la scola culla survegionza entochen ils 19 d'avrel 2020.

Per la survegionza valan ils suandonts puncts:

- La purschida vala per ils affons da scoletta e dil scalem primar.
- Questa purschida vala per famiglias che san buca s'organisar privatamein resp. per famiglias che stuessen schar survegilar lur affons da persunas ord la gruppa da resca.
- La survegionza cuoza dil gliendisdis entochen il venderdis, mintgamai naven dallas 07:30 entochen allas 18:00 incl. gentar. Tenor l'ordinaziun dil DECA ha mintg'affon da prender sez siu gentar cun el en scola. Sche giavischau vegn ei mess a disposiziun apparaturas per scaldar il gentar.
- Ils transports ston vegnir organisai dils geniturs.
- Las prescripziuns da segirtad ston vegnir respectadas (distanza, higiena, eav.)
- Muossa in affon simtoms da maldispostadad (tuos, febra, eav.) resta el a casa.
- Il liug dalla survegionza (Breil e/ni Danis) vegn fixaus dallas Scolas Breil suenter che las annunzias ein inoltradas.
- L'annunzia per la survegionza vala mintgamai per ina jamna.
- L'annunzia per la jamna suandonta sto vegnir inoltrada per mail mintgamai entochen la sonda allas 12:00.
- La damonda per survegionza sto vegnir motivada.

La survegionza sa vegnir inoltrada mo el cass ch'igl affon stuess vegnir survegilaus entras persunas ord la gruppa da resca.

L'annunzia per la survegionza dallas singulas jamnas sto vegnir inoltrada a nus per mail ([administraziun@scolasbreil.ch](mailto:administraziun@scolasbreil.ch)) entochen mintgamai la sonda allas 12:00.

Davart il liug dalla survegionza (Breil e/ni Danis) vegnin nus ad informar Vus mingamai entochen la dumengia da miezdi via mail.

Per ulteriuras damondas astgeis Vus sedrizzar al secretariat 079 366 86 78.

Salid amicabel ✪

Francestg Friberg, menader da scola